


漸備一切智德經

第四

百十九
戒七

47969



漸備一切智德經卷第四

戎

西晉三藏法師竺法護譯

不動住第八

鄭昌

金剛藏曰惟聽佛子菩薩大士若能暢成第七住已慕諦志求清淨之眾善權智慧謹慎衆行樂在所施無極和誓依承如來所建立言蒙宿德本逮得勢力如來十力四無所畏思念正覺十八不共諸佛之法志性仁和念甚清淨功德聖慧威勢轉上興大悲哀愍眾



生界不捨法藥通入無量一切諸法至無所
起亦無所生而無有神不有合成不失慧明
無所究暢亦無所滅然無所有等入無本轉
上得度普除一切心念識想等攝志性本淨
惶慌因是超越應時逮得無所從生法忍此
之謂也菩薩以逮如是法忍適逮得是任菩
薩地不可傾動獲致菩薩深要之行難知玄
妙無能壞者消一切想皆攝衆念而究竟矣
無量無侶一切聲聞緣覺之衆永不能逮其
寂寞事以淳凝矣自然現哉猶如佛子神足
比丘所念自在稍漸進前乃至寂滅三昧正
受悉除一切所欲妄想菩薩如是適逮此任

捨衆俗業致無業財至真之法離身口意之
所習樂任於寂寞猶如佛子假使在夢逮大
功德即自知之因在於彼大精進力普以越
度逮則解覺彼修方便夙夜思念以除好樂
如是佛子菩薩大士無極精進適逮此已任
菩薩地如是不動遠一切業稍習諸宜於行
無二人等修行無所親近猶如佛子若生梵
天任下梵宮不著欲行亦無塵勞菩薩如是
住此道地其心普遊諸所習行雖在是行不
以是行有所染汚彼意曉了所在作行菩薩
之行在涅槃行不以爲行何況俗行菩薩大
士以入是地本願力故至如來覺無極大聖

是法與門道乎如來法造立聖慧如是辭曰善哉善哉族姓子是諸正士第一法忍歸於佛法又族姓子佛十種力四無所畏佛法尊位仁則未有以是勤行慕求精進慎莫違失是道忍門為衆生故而尊修行又族姓子仁寧逮此若斯寂行而愚凡夫悉不寂靜習在無數塵勞之行戎為若干想之所危害又族姓子衆生設憶念本宿願長念在真故為求道奉行靜寔不可思議聖慧道門終不懈廢又族姓子是諸法本從法發來興成如來以立如來住在法界如來至真不別行是一切聲聞及與緣覺不能逮至斯無想法又族姓子且

觀我身不可稱限慧莫能論土不可量潮不
可量道場不可量音聲響清淨亦不可量以
是之故仁慈所行因顯發業又族姓子所可
定言光明之謂云一切法無所想念乃爲光
明諸族姓子法明若斯如來所行行無邊際
者屬無底斯等所入從發行來巍巍如是又
族姓子仁且觀此十方無量諸佛國土衆生
無限分別經典而不可計普入一切言行相
應如是佛子佛天中天菩薩行是如斯比類
不可限量導利道門用開化衆若有菩薩分
別解說無量聖慧具足成就導衆之業諸佛
子等吾囑累汝假使諸佛化此菩薩入衆生

中道利道門由是之故致于滅度衆生之事
自然舒暢諸佛世尊勸化於斯諸菩薩法無
量慧業乃今一時所導利衆因其聖業以爲
元首從初發意計七住竟合集方便由此功
勲百倍千倍萬倍億倍巨億萬倍終不與等
無以爲喻所以者何以是宿命一身導衆致
導利業逮得此任誘進平等諸菩薩行分別
身事行力成就宣暢布散無量音聲正法之
教修慧無量導利無量所生之處嚴淨無量
諸佛國土開化無量又衆生類供養遵奉無
量諸佛發覺無量諸法道門神通之力不可
限量剖判開化衆生厄難今度無量衆會道

場所可遊居亦不可量持身口意積累菩薩
一切要行亦不可量猶如佛子大船舶船欲
入大海安無放逸庠序進前致無量寶珍奇
瓌異適到大海望風舉帆其風和順一日之
中超越大海一切財寶所得利入無央數歲
皆為充滿用不可盡菩薩如是積成無極廣
大德本合集大乘逮菩薩行道法慧海一時
須臾致聖明財無極道寶入一切智前宿所
積世俗財寶不可比之思惟計校百劫千劫
萬劫無央數劫不以為喻又佛子菩薩若立
第八道地遵大善權智度無極宣布勸化無
財業義若菩薩解奉一切智遍知十方諸成

佛土亦復分別壞散佛土若以覩知世界散
壞若世合成用何因故世界散壞以何緣故
世界合成悉能見知地種少地種多地種有
限地種無量悉別知之水種火種風種亦復
如是皆曉了知多少大小有限無限諸塵微
妙分別所在諸塵限數隨時悉解若干世界
有若干種無限衆塵微微難了普悉知別若
千品塵自然合成諸佛世界所有塵限悉能
知之衆生之數國土形數其身長短大小悉
能知之地獄處所禽獸餓鬼性行何因墮此
皆知所行多少諸塵合數阿須倫行諸天所
居世人所處悉能知之合會教化欲界合散

色界無色界合散皆悉知之少多大小有限
無限而悉知之遊居三界取捨之義開化衆
生彼能成就曉了衆生諸身方便諸身形像
所在之處悉曉明之所行生處諸佛所遊如
衆生類所生安居身所積行隨其身行而建
立之已身國土隨立已身其意無盡已身建
立無身之身已身國身罪福之身乃復建立
罪福報身建立已身無盡身意無身之身已
身無盡衆生類身國土身緣報應身聲聞身
緣覺身菩薩身如來聖慧身有法身隨時建
立顯此諸身悉解衆生罪福身報應身塵勞
身色身無色身國土身多少大小穢濁清淨

廣大無量減損平正導利平等講說報應皆
悉知之罪福身行所當獲報合散成別亦復
了之聲聞乘緣覺乘菩薩乘所行業合散所
歸而悉知之如來聖體成最正覺所誓願身
及滅度身所建立身色像相好所莊嚴身其
行者身可意身自大身慊恪身功德身聖慧
代 智德經 四卷 四
身報應身謹慎行業聖慧之身所歸度脫皆
悉知之法身平等無身之身不可限量一切
普入有身無身靡不分別一一暢解其身已
逮如是行業致壽自在心得由己用度所為
自恣無難所行無拘所生從己本願所致篤
信之故神足之恩蒙聖慧行恩法所將而逮

致此以是菩薩十事自在適得自在成無量
慧明不可思弘普之聖聖無有侶以入如是
究竟永在無所生身轉所習行永無生故以
轉諸行慧為元首習轉身行以慧為首轉口
習行取要言之智度無極為大錠光大哀為
首分別曉了善權方便不棄至願為諸如來
威神所立不懈休息其慧以應一切衆生遊
於無際諸佛世界宣義散結佛子又省菩薩
常修平等所逮道住不可動搖積累一切諸
佛法典身口意行轉增進業以獲此住其力
志性則轉堅住皆以消除一切塵勞心懷仁
和力勢堅強在於道元恣化群生大哀之力

所可建立用衆生故無所忘捨益加建立大
慈之力將護一切衆生之類揔持要力而得
堅住不捨衆生其誓願力而諦得住一切佛
法選擇分別善諦建立神通之力住無限世
於諸行本擁護一切衆生之類堅住願力遵
習一切菩薩道業而無所捨度無極力其行
堅住合集一切諸佛經典正住如來所建立
力成就正覺一切敏智以入此行如是力勢
普現一切神變無窮輒往生於一切所趣金
剛藏曰是爲佛子諸菩薩業住於慧地而不
可動是謂無侶亦復号曰不退轉地慧不廻
還則謂難當一切衆生所不能逮則真真地

為無所生為所生地所願自在為成具地無
所造作究竟之地積累真慧則無為地善修
志願為建立地度無所作為無財業宿世所
行眾苦消去邪已降伏如是佛子菩薩大士
以入佛種承佛功勳威神遠照由歸如來威
儀至業佛境界門常為如來之所建立得入
釋梵四天戊天王宮四金剛力士常隨侍後逮致定
力其身無限降伏危藏散無量結以皆永離
諸身行力具成無極大神通力所行報應而
得自在無限定意受蒞無量自恣由已而無
所礙如其淳淑覺度眾生所示現義以入是
行得入道場無極大慧以行大慧神通之業

常演大聖智慧光明施與章句無罣礙界分
別世界十方國土所宣章句現一切業功勳
之德發心自在而諦思惟解去來今迴轉一
切衆魔徑路下于聖慧遊入如來周居境界
無際國土所處講堂奉菩薩行其所誘進無
能退轉以故名曰入無動地金剛藏曰是故
佛子菩薩逮得無動轉地常在無際見諸如
來不可稱限未曾違遠彼行究竟成三昧定
威力所入見佛供養奉事歸命終不忘捨於
一一劫中一一世界所見講堂各現諸佛咸
各供養無央數億百千姪佛一切施安誓首
歸命以禮如來曉了世界以爲元首慕遵道

明啓受法教重復加增逮佛滅度行無等侶
巍巍超絕與衆殊異諮受世界講問宣傳遵
無央數億百千姪所積德本轉進顯曜猶如
佛子此閻浮利上明月珠又其價直一閻浮
提以用著頸為無等倫一切天下人民之衆
所著瓔珞無能及者如是佛子菩薩住是不
動轉地以此德本成其大明一切聲聞及緣
覺衆所不能逮及於七任菩薩行業菩薩已
入此道地者承無極慧消除衆生一切塵勞
剖判聖慧微妙道門猶如佛子主千梵天所
行慈心遍大千界其光普照菩薩大士亦復
如是住此菩薩無動轉地照曜百千諸佛刹

土滿中塵數光明悉周無量佛國照盡一切
衆生塵勞稍漸滅除心之毒垢是爲佛子善
薩任是不動轉行所宣平正菩薩功德第八
道地如普容嗟諸劫無際不可究竟菩薩所
住因爲梵天大梵天王千世界聲聞緣覺
菩薩所行具正莫能逮者而度無極分別世
界修無等倫戎聞所講說所興六因緣方便之業
布施敬愛利人等利一切救濟常思念佛未
曾違捨衆行具足至一切智專惟大道以何
修行爲衆生尊一切殊特將順普聖覆護十
方發意之頃遵如是像勤奉精進一時須臾
逮具足成就十千世界百千刹土滿中諸塵

三昧正受及見十千百千三千世界滿中塵
數諸菩薩等眷屬圍旋從是發願菩薩力勢
所誓殊特靡不感動智慧明了不可稱計如
是思之億百千姪不可限載行無量劫功勳
無底無以為喻時金剛藏菩薩大士復欲重
散分別此義即說頌曰

漸備七住地

智淨行善權

諦將護道業

結立無極願

積功而累德

堅任人中上

志樂于聖慧

輒入第八住

殖德大聖慧

精進行慈愍

其心無限量

意念猶虛空

聞法能曉了

入大聖勢力

忍力無所生

寂寞順微妙

所受無所起

不生無有相

不滅無所壞 亦無所究暢 處所為自然
無本截捨念 已離心意性 其思等如空
斯忍以如是 所行無放逸 行深要感動
逮致憺怕行 眾生無能解 由閑居行業
執持心所想 曉了衆行念 其意立若斯
心無有思想 如比丘消滅 逮得無所著
心之所想念 猶夢所見覺 若梵天具足
欲界亦如是 安任本立願 數數而勸衆
是為第一忍 得致阿惟顏 我等慧玄迥
勢力意解法 彼則無我所 精進勤修行
所可奉寂寞 消一切愛網 滅于大然滅
世俗塵勞火 自識本宿願 行愍哀衆生

以慧利造立

用度脫黎庶

常能遵此法

任本無無想

佛解一切任

越聲聞緣覺

世間俗威勢

無及此十力

惟智無能限

三世無罣礙

無等倫如是

天人所奉敬

合集以導化

行無數慧門

成就最勝法

入無量彼岸

前世行佛道

假使順隨時

戒智德 四卷

如是致賢明

逮入殊勝地

一時普周遍

至于十方界

以到慧所歸

逮得諸神通

猶如大海水

諸天華神器

心貪已永除

得立慧道業

選擇諸刹土

住在曉分別

四種之境界

離若干貪利

微細及麁穢

等八識解義

一切三千界

滿中衆塵數

分別衆生本

四大所生身

計數諸慕樂

六趣限如是

解散慧境界

不可稱限量

慧剖判心意

至于一切心

彼備己身行

故將導衆生

一切三千界

周普若干色

徹見衆品形

然在無限世

猶如日周行

在上虛空中

以斯殿舍進

光明普照曜

御以本無慧

在法界不動

黎庶性清淨

道明所遍照

如衆生本性

其身各所在

顯現一切衆

照化天世間

已身得自在

勝降無性行

示現安任身

莊嚴諸相好

衆生土如是

從罪福受身

若干種聖性

成法之慧體

虛無為身界

受以平等業

現神足諸變

消黎庶瑕穢

十力廣自在

因慧度無極

造聖逮慧明

興發愍願哀

現神足諸變
因慧度無極
一切最勝教
無動如須弥
是士無迴轉
釋梵咸奉敬
於是土地處
不能盡其限
成就最上道
菩薩斯集會
宣布三乘業
光明急消塵

消黎庶瑕穢
造聖逮慧明
以法生道業
諸眾祐号力
眾魔莫能當
其金剛力士
合德不可量
稽首歸諸佛
猶嚴王者服
得為大梵天
逮得無限侶
一時發心頃

十力廣自在
興發愍順哀
謹慎護三事
柔十勢無恚
佛之所建立
以力勢常侍
億百千劫中
其億數那術
極是道地處
若干界功德
慈心為清淨
至百千佛土

逮諸畢竟無如滿刹土塵勇猛觀處所
十方代衆生所願亦如是莊嚴尊無限
此說取要言第八勝自在具足億千劫
皆不能盡極

說此第八住時應時震動百億佛土佛之威
神之所建立不可思議功德巍巍不可限量
演妙光明普現一切諸身形類照諸國土安
諸衆生無央數千諸菩薩衆住於虛空所供
養具超天上物所貢上佛玄絕殊特大神妙
天與其眷屬自在天人亦咸悅豫以若干品
而供養尊奉事德海諸天玉女無數億千歡
喜踊躍諸根和悅以妙妓樂鼓天倡樂供養

大聖斯諸妓樂樂大神聖出如是輦百千音
聲其響柔和寂寞恬怕消諸患厭離衆穢垢
捨于土地所^行至真而有卓然用衆生故遊
到十方大通所顯現最上行志若虛空心亦
如之天中之尊人中爲上覺了最明玄妙境
界無底功勳十方嚴淨奉事道力衆祐諸子
以道顯示不可限量佛之功勳遵行聖慧不
慕徑迹於一刹土而不動移皆周諸國無有
塵垢遍趣愍傷衆生之類爲之元首滅一切
響無所想念所言暢音辭百千種若有聞教
不肖衆生心在下劣其意自歸彼若聞聲至
聖所現隨其本行而開化之若有衆生諸根

明達心好因緣無所志樂爲現離垢慧明之
義若有衆生心抱愍哀意懷慈仁佛在彼處
勤示正行若有衆生志在上尊意樂斯法在
彼顯示無量佛身因其化現猶如幻師所周
旋處導化無央數億千姪身佛子如是樂于
慧幻現一切行離諸所有如是音聲其數百
千頌宣柔爽仁和之響音天人玉女在世歸服
默然樂寂衆會欣豫歌頌安住功勳德稱巍
巍無量不可講論說此菩薩第八道地奉行
正法通至大乘

漸備一切智德經善哉意住第九

金剛藏曰且聽佛子起菩薩大士諸佛慧行

無量如是轉復增加遊于寂寞志在脫門諸
如來慧長益至德又以仁意所可修行如來
祕密因可遊入斯大道慧不可思議選擇至
要摠持清淨三昧正受放捨衆非清淨之業
導利一切成大神通弘廣殊遠分別世界教
令黎庶隻行獨步十力無畏諸佛之法十八
不共而無等倫嚴治道本如來至真轉于法
輪歸趣境土建立大哀住於大道不捨十方
入於菩薩第九道地住此地已有不決行善
惡之心知如審諦供養經典奉事至真及以
有漏無漏之法各順俗法度世之法修行所
思不可思議遵承究竟不決了法順從聲聞

緣覺之法奉行菩薩敬重斯道要誓隨時如
來道地以時歸至有爲之法親近志在無爲
之法知如審諦如是慧明覺了所歸如審解
知衆生心行所可取捨塵勞之垢所受福禍
撰取諸根所行篤信諸種歸趣心性衆結造
行之處所受生處所居止處決了三聚業所
至湊知如審諦察衆生心所行是非若干品
心其心須臾而有進退若合若散其心無身
心不可限一切普興心爲顯曜其心若塵若
無塵勞若有縛心及與解心亦如幻化曉了
其心所歸住止因緣進退又其塵勞去絕遠
遊療治當來等類無業諸結因緣所遊居處

心之合會在一處所若有別離有所生處周
旋現在進止行來分別三界恩愛無明諸見
病痛自大愚癡無極罪殃斷截滅除三藏之
珍曉了審知入至計常八萬四千衆塵勞行
未決罪福善不善義教告無明使亂心黨令
無異業思惟衆祐以致報應積聚衆利所親
造行不失果實所報無報黑冥清明無闇結
白如是辭語所行緣報而有齊限罪福田地
則無有量賢聖處世所行法事現在罪福當
來所習方可更歷解乘所趣不了所趣曉解
分別方便隨時常等識知八萬四千若干品
罪知審所由所趣彼達諸根柔劣中間明了

之本取要言之隨衆生本前世宿命毀壞之
事不壞之業微妙中間下劣之行塵勞伴黨
無有財業從本行心能以決了若不決了開
化真原諸根羅網分別退轉攝取衆想諸根
豪劣周旋往來進退無迴解暢三世遠遊無
窮獨步無侶於若干品常以平等八萬四千
若干種根悉能知之取要言之其篤信樂柔
劣中間諸根明達常隨諸根八萬四千所懷
篤信而悉暢了若干種品諸衆生行其界柔
劣中間明達隨從諸根八萬四千諸種四大
上中下心性行善惡解暢諸根之所歸趣彼
心性行心意伴侶志造伴黨其心合會或有

別離玄迥遠遊若有自大無有自大其意調
順無有衆狀亦不懈廢皆承一心脫門三昧
正受神通之宜而無合會縛者三界願至實
心不習衆行習入道門無言教矣不倚伴黨
無財業事無異無侶修治道門審諦知正衆
生之行有若干品所生處行其行而住生地
獄餓鬼畜生之中阿須倫諸天人民之所歸
處色無色所生處想無想所生處悉了知之
罪福報由恩愛情欲無明闇冥精神種類還
復迴生名色爲侶用無道業生死愚騃親近
恩好則致貪欲慕求情愛若不慕榮衆生所
樂於三界趣意懷至實無所傷害悉審諦知

志行所居所當行者如所歸趣繫習所在從
衆生行各由罪福而習塵勞善惡未宣本末
所作輪轉無際復轉迴旋歸本所作未有遠
遊難斷欲拔媮塵貪嫉虛事不可率消心明
開達乃能超出於所作事至無所有悉審諦
知於衆生行究決不決志在邪業馳趣反見
愚惑之業在於正見定在正業除衆恐畏莫
不究竟又有五逆中間之難悉已究暢五根
達趣正真之行已捨恐畏及無究竟曉了邪
滅及正寂滅并所犯事令趣寂業速無所歸
而隨邪業迴^行退轉導示賢聖無上正道若不
決了隨時散結將議邪業當所宣布悉審知

審知諦是為佛子若歸此慧菩薩大士則得
安立善哉意地菩薩之住已住此地皆能曉
了一切衆生如是行業隨其積行應當解脫
而開化之能明衆生應時教導知以勸誘聲
聞緣覺化諸菩薩說如來地從其衆生而為
說法導利度脫如其性行從本根原應當解
脫戒智德而為說法卷四因其所行十一更歷本末而為開化
如所乘法修思脫門因其脫門頒宣道法住
此道地覩大法師之所興隆擁護如來無極
法藏彼若往詣於法師所恣入無量曉了聖
慧奉行宣布四分別辯菩薩所行隨其說法
彼常修行無所破壞菩薩大士四分別辯遊

不退轉何謂爲四一曰分別法二曰曉了義
三曰順次第四曰解辯才彼所謂言分別法
者明宣諸法自然之相曉了義者能解暢法
之所歸趣順次第者說無所壞剖判諸法深
遠之慧解辯才者無所結縛知法無斷分別
辯法曉了法者諸法自然自然之身曉了義
者知以照曜咸歸經典順次第者暢一切法
當可講宣無能斷絕分別辯者如其道教無
所希望演布無際解暢法者達現在法所宣
歸趣曉了義者知去來法報應之理順次第
者說解一切去來今法無所破壞分別辯者
一一所說而無二心無有邊際振法光明解

暢法者能識諸法剖判衆事曉了義者分別
諸義靡不蒙慈順次第者從衆生音言辭遠
近而爲說法分別辯者觀察一切心性所行
因爲演經解暢法者曉知方便明散法慧不
壞衆善曉了義者明通本無住無二慧而爲
梨元各各了之順次第者而講說業聖慧財
富不可破壞分別辯者解暢衆理隨時之義
曉了本末解暢法者知一切法其元爲一失其
本源隨流生死輪轉無際曉了義者則能越
度五陰四大又十八種諸表衆入方便解脫
明十二因緣悉無端緒順次第者宣說一切
衆生之元五趣周旋志性和雅音聲柔輒聞

者普受分別辯者演要言教其明轉增而無
邊際光明遠照去衆愚冥莫不蒙曜解暢法
者導利一品無有若干菩薩大士興無極慈
立無盡哀開發大乘曉了義者分別諸乘度
衆齊限和迥之行自然無侶獨步衆會順次
第者頌宣一切所志諸乘上中下學無所破
壞戒稍引誘進入于大道卷四分別辯者而爲一乘十一
無有邊際宣布正法焰照三界苦惱之厄除
去陰蓋逮致三昧解暢法者奉諸菩薩聖慧
之業遵修法行道明超越巍巍無量曉了義
者敷演十住所處本末聞解學者各得其所
不失志行得度世俗靡所不通順次第者宣

布法禁各從慕求宛戀道教無所破壞分別
辯者宣一切行而無邊際講說本業至誠正
真不在二乘聲聞緣覺解暢法者心自然達
一切如來皆爲一佛諸力無量覺了此義由
是之故因轉法輪至一切智而有所度曉了
義者又能知識若干種類制住正真須臾分
別當所歸趣道俗是非靡不宣布順次第者
如其正覺剖判言說觀其根本上中下行心
之深淺而開化之分別辯者所須宣法一一
章句演若干義慧無邊際不可斷絕飽滿飢
虛解暢法音普諸如來所布言誨一切十力
及無所畏諸佛之法十八不共修于大哀而

轉法輪暢達無窮一切敏慧曉了義者識知
衆生八萬四千若干品行從其志性察彼根
原隨如信樂宣如來音而爲散結順次第者
於一切行無所破壞爲師子吼出如來音八
部之聲聞于十方徹覩無表分別辯者暢如
來慧威神光明消除衆冥闇昧盲塞自以已
行道場之力隨其信樂而開化之各各得所
金剛藏曰如是佛子第九菩薩立九住者其
慧德本巍巍如是辯才若茲逮得如來無極
道藏爲大法師造立義器爲義之君獲致義
句玄妙惣持攝救三界法主惣持取要言之
聖慧神通而用拔濟照明惣持照于十方善

意惣持攝一切意如地惣持行猶虛空威神
難逮帝主惣持之要無極法門所向惣持所
遊無量迴轉惣持周旋往來也逮若干種方
便惣持如是等類具足備悉逮不可計百千
惣持音聲隨宜無所不達所分別門不可限
量頒宣經典莫能稱載如是惣持不可限載
戊寅卷四
正法道門聞不可計諸佛世尊現身演法聞
十一
之不忘所聽頒宣不可講論在於一一如來
之所諮受諷誦十不可計百千惣持如一如
來所可開化無有邊限如來至具無上之法
亦復如是等無有異彼誓首頃轉復增加於
無央數至具等正覺受道法門聲聞緣覺不

能稱載所修博聞受音惣持逮此惣持者逮
立恩施以德惣持於百千劫逮如是持獲致
辯才而以建立如斯巍巍法與聖衆若合會
時周滿一切三千大千世界隨衆生心所應
當化而為說法處于法座而於法座承如來
言逮得十住阿惟顏地於餘一切自在自在
尊無有侶致于光明靡所不曜處于法座須
臾之間適發意頃則以一音演若干響普告
衆會一時之間光從口出其諸毛孔宣一切
音演布道化無所不解照于三千大千世界
及與有色無色之界咸演法音爾時於彼大
千世界所在衆生一時皆來難問義理各各
諮講質無數事不再重啓各得開解彼時菩
薩一時須臾悉受衆響所宣諸音以一言教

諮講質無數事不再重啓各得開解彼時菩薩一時須臾悉受衆響所宣諸音以一言教普告一切取要言之遍二三千大千世界三四五十二五五十乃至周百三千大千不可稱計大千世界光作法事建立如來威神聖旨常以應時爲諸衆生興作佛事發起得立

轉復增進如是聖慧受振光明而行精進假使一一從諸毛孔如無邊際諸佛出世界滿中衆塵覩若干數不可限量諸佛國土及其衆會集在道場班宣經典一如來與無央數衆生之類若干群黎而爲散結一一衆生心性所懷不可稱載心各各異勸導利法因開化之戎如德一如卷四來古之所度脫一切如來亦復如是等無有異猶一毛孔一切亦然悉演法音

化之如一如來之所度脫一切如來亦復如是等無有異猶一毛孔一切亦然悉演法音吾等於學亦當如之曠然其志思方等宜將導不逮一切如來一時之間普現其身悉受法明斯皆一音恣其所樂順所稱歎諸眾生會充滿道場欲聽法者具足備悉吾等於後亦當復然智慧光明辯才通徹清淨之業一時須臾悅解眾生其身周旋若干世界所有眾生以逮此住菩薩道地夙夜轉進所念無異入佛道行逮得如來平等之教致于菩薩深妙脫門以入斯慧常見諸佛未曾遠離一劫中覩無央數億百千姪諸如來尊供養

奉事問諸如來諮受所演執持經典而頒宣
之其功德本遂更滋茂超無等侶猶如佛子
工師絕伎能成瓔珞治文飾好以用進上轉
輪聖王尊玉女寶繫在頸者巍巍無比晃然
焯焯暮處一切高臺樓上普照天下諸四方
域衆生瓔珞掩蔽不現以獨顯曜如是佛子
菩薩大士逮得行此善哉意開士道住其功
德本轉更茂盛超無等倫過諸聲聞緣覺之
乘越初發意七八住表其德本明消滅衆生
諸塵勞心咸能照之從是得恩迴惡就善捨
俗入道猶如佛子大梵天光周於一切三千
國土明無不至衆人蒙曜菩薩如是住此善

哉開士道地一切德本光明之曜普照衆生
聖明遠達以道法曜消衆冥塵咸今一切廻
俗就道是爲佛子諸菩薩大士名曰善哉意
第九道住平等之教玄曠之業宣講其德無
央數劫不可究竟無能窮極菩薩大士以住
此地若爲梵天若大梵王君三千世界而得
自在造立聲聞緣覺之法菩薩之行講度無
極明無有侶諮問衆生志性本末所爲道業
布施惠人愛敬仁和利人饒益等勸財共以
此四恩普濟一切以斯積德常感念佛心不
違遠乃至備悉成一切智思念不忘云何逮
致於諸衆生最尊無極至于普聖將導不逮

發意之頃如是色像勤修精進須臾一時具
足充備十無央數百千佛土滿中諸塵定意
正受見諸菩薩亦如十不可計諸佛國土塵
數大士眷屬集會以上妙願道力所致諸善
薩等所願殊特感動變化無能稱載至不可
計億百千姪無限之劫皆不可議時金剛藏
欲廣此義重散其意即說頌曰

斯力不可量 奉行佛道要 微妙慧第一
衆生難曉了 如是處秘藏 衆祐面執持
爲衆生之故 得入第九住 以是逮總持
三昧無極尊 廣普神通業 又周遍國土
波解聖慧力 最勝現處所 志願心愍哀

正住入第九
真妙之法要
及世賢聖身
分別暢諸法
稱量計所作
二事俱造有
意微妙殊特
心若干猶晝
晃曜皆遍入
衆結受處所
入於剖判業
有入明達根

以通此道地
不分別義德
斯心不可議
所思惟究竟
有爲若無爲
順世而隨入
攝受衆生心
速移而迴轉
諸塵勞之河
周旋親近惡
等下無果報
軟劣及中間

上勝攝持戲
其在有漏行
尊覺了至義
成就三乘事
體解所當行
以入如是慧
因其求本來
其神識無限
伴侶難療治
所作若干種
因緣已消滅
壞除諸過去

下通當來義

篤信無央數

清淨不清淨

通周八萬行

又遍四千事

若入於諸種

成駭邪見塵

由是受馳騁

無邊不可斷

其心之結縛

黨侶而俱遊

斯心等思惟

縛束無窮竟

志性之徑路

衆結猶覆月

永無有處所

亦不止宿居

以故會難化

人界不反原

以金剛斷截

其道而無異

分部隨行入

生在六趣處

欲情為愛潤

無明罪福田

神識為下種

造行為名色

在於三界中

所遊無邊際

至于天坐處

隨塵勞心行

一切遍周遊

故復還生死

衆生處三品

教使有往返

諸邪見之火

便種神識迹

以至如斯行

因住此道地

從衆生心性

諸根順應解

為其說經法

須宣分別事

剖判斯義理

善權真辯才

若詣法師所

輒以到所居

言說無所著

猶如須彌山

為雨柔軟澤

甘露普潤衆

覺意之根力

充滿猶如海

曉了義義慧

解法亦如是

一切皆滅盡

逮得至辯才

獲明無央數

一萬諸惣持

以執衆法要

如雨於大海

如是有惣持

逮清淨三昧

一時見無數

諸佛億百千

以聞於法寶

數數而須宣

言辭暢清白

自然妙音聲

須臾發意頌

知三千世界

衆會一黎庶

若干種所念
所入等亦如
惣要致精進
安住惟說法
猶下種于地
普令此衆生
皆能周遍至
人中尊住斯
成爲卍尊子
住在深妙寂
禮諸佛億姪
光曜消塵勞

可悅一切衆
四方域大海
思惟如恒沙
化凡夫衆生
假使諸衆生
悉會坐一處
則能一音聲
最上之法王
恒以夙夜寧
勇猛慧脫門
成如道巍巍
所受演威明

如其心諸根
其德復超此
實爲不可限
聞之尋受持
處在十方界
斯等性行念
普以充飽足
轉進悉國土
得勝合志願
奉事專供養
莊嚴如轉輪
猶如梵天光

照三千世界

功勳住於斯

持無極梵天

佛分別說解

造立於三乘

有所勤修行

愍哀於群黎

以入一切智

逮得聖慧德

國土不可計

乃至王舍城

威勢一時思

三昧遍十方

覩見十方佛

衆祐音柔輒

興造微妙願

其心無限際

是爲第九住

深微妙難解

安住已自演

大乘之行業

淨居諸天億載來會聞如是行無上正教住

於虛空心懷踊躍恭敬謙下承事安住諸善

塵衆無量億姪處于虛無心中欣豫兩衆華

香可悅無限多然衆生塵勞之穢自在天王

甚大歡然住於其上億千衆俱恭恪之心散

諸妙衣梵天之等寂然竒珍一心自歸諸王
女衆無數悅顏鼓諸伎樂億百千妓亦復作
禮一切普演如是像音衆祐眷屬坐遍佛國
其光明曜皆照諸刹諸身億載若干柔輦周
遍法界靡不悉達如來至真一毛光曜其光
晃然滅衆生塵尚可數盡刹土之塵此會人
數不可稱計有時佛身微妙諸相而以咸覩
諸轉輪王復遊他國所行最上甚好巍巍見
天人聖諸大神尊處兜術天現下母胎復以
出主雖在胎中現無數億國適生墮地現其
佛土導師本願用衆生故而復出家得成佛
道爲最正覺轉于法輪現諸佛土無數億載

猶如幻師善學呪術將順壽命現無數術出
尊如是修學智慧用衆生故而復出家空無
寂寞本淨無相諸法平等猶如虛空佛之教
戒最利本無示現殊勝佛之遊居諸安住行
皆爲自然愍哀衆生速成經典諸相之相見
平等相一切諸法第一無相諸衆祐義聖慧
所從悉棄衆相有想無想所行等解諸行速
得成就衆人之上如是音響無數億千宣仁
和聲在世降伏衆魔天女以知衆會至具寂
寞如月盛猛照於天下又金剛藏演若干品
時諸佛了修于大乘十事之業當可施行諸
室宅行功勳之業見瑞應來心懷悅豫上人
聖慧咸悉歌詠

聖慧咸悉歌詠

七止

漸備一切智德經卷第四



猪飼長房寄附

